


# MAGTUHUN KITA!

LET'S DIVE!



KAUMAN SAMA ONLINE ([Sinama.org](http://Sinama.org))

Sinama

Story Book

MAGTUHUN KITA!

LET'S DIVE!

Author: Rajiv Eipe

Illustrator: Rajiv Eipe

Translation: Kauman Sama Online

Sinama



Bilu langit, t'ddo' tahik.

Ahāp to'ongan llaw itu magtuhun.

Atulak kami ma spidbut.

Muramurahan alasig to'ongan pagtuhun kami itu.



Pagtuhun kami na pa'in,  
magtūy aniya' sulig-anduhaw amāk kami.





Aheka' ginisan daing tabāk kami ma sahasa' itu.  
Pasengko' ka, ogos ka, maka buna'.  
Aniya' isab dandiya' alingkat pamarananna.



Sikuwan itu bay magpinda luwana bo' iya dakolor  
maka saga tampellas ya patapukanna.  
Sogo' aluhay du iya tabistu.  
Ta'nda'nu bahā?




Ahāp halam kami bay pasekot ni lalung itu.  
Abisa sidda makalandu' itingna.






Jinagahan pahāp e' saga anak-lason,  
luma' sigām, ya niōnan lason,  
sogo' ma katapusanna,  
karūlan du aku amatta' sigām.




Aniya' ta'nda' kami tagō'-bakukku.  
Nilanu'an emponna e' saga pellok-balling. Aniya'  
isab pellok-balling bilahi angalanu'an tipara kami.





Aniya' isab p'ggot-mangsi' maka saga tayum.  
Aniya' minsan ta'nda' kami kutkut-kaluy  
maka dakayu' kuhita' magtilluk-tilluk.



Anganda'ug kuhita' ī'. Ata'u sidda sigām  
magpinda kolor bo' sigām makatapuk.  
Ya du isab talli-talli ata'u sidda patapuk.  
Ta'nda'nu bahā' duwa talli-talli jali'an ma patta'  
itu?




Talanggal kami isab duwa kaitan-kehe pahali mareyo!. Mbal du sigām angeket, angkan kami pasekot ang'nda' sigām.






Bay kami paurul dai'-dai' ma tohongan itu.  
Amiha iya l'ppus bo' takakan e'na.



Hinabu kami pabalik ni spidbut, kinōgan kami  
aniya' ta'abut kami pahi-sanga palangi min  
dahū'an kami maka duwa k'mmi  
angakkot ma bukutna.





Jari baya-baya pa'in ahāp sidda katuhun kami itu,  
aniya' isab talanggal kami duyung amangan unas.



Ahāp landu' kalabayan kami ma pagtuhun itu  
angkan bilahi na aku patuhun pabīng!



<http://creativecommons.org/licenses/by/4.0/>

You are free to make commercial use of this work. You may adapt and add to this work. You must keep the copyright and credits for authors, illustrators, etc.

Adapted from original, Copyright © 2016, Storyweaver, Pratham Books. Licensed under CC-BY 4.0.

Copyright (C) 2016, Pratham Books

